

法苑珠林卷第四

唐 西明寺沙門釋道世撰

日月篇第三

此有十三部

營四

迷意部 星宿部 日宮部

月宮部

營四

虧盈部

營四

寒暑部

照用部

擊電部

營四

降雨部

震雷部

地動部

營四

述意部第一

若夫世界未成之前二儀尚昧衆生貯糧之

後三光乃照動寶意之深慈啓吉祥之幽思

御陽精而澄流駕陰魄而騰暉馳風驛而運

行應璇璣而合度紀寒暑於三際繫朝夕於

四洲雖歷象於上天亦表徵於下土至若德

契元良驅輪黃道義乖魚水轉鏡玄途三舍

可迴獎善言而効祉五重時現示兆民而肅  
姦仰鑒玄文俯躬懲勸日月之用其大矣哉  
星宿部第二

如大集經云爾時娑伽羅龍王白殊致羅婆  
菩薩言大士是星宿者本誰所說誰作大聖  
小星誰作日月何日之中何星在先於虛空  
中復誰安置三十日月十二月年云何爲時  
繫屬何處姓何字誰何善何惡何食施若爲  
是晝是夜日月星宿復若爲行等汝於諸聖  
中第一最尊願愍我龍具足解說我等聞已  
脫苦奉行爾時殊致羅婆菩薩告諸龍言過  
去世時此賢劫初有一天子名曰大三摩多  
端正少雙才智聰明以正行化常樂寂靜不  
樂愛染常樂潔身王有夫人多貪色慾王旣  
不幸無處遂心曾於一時見驢命群根相出

營四

見慾心發動脫衣就之驢見即交遂成胎藏  
月滿生子頭耳口眼悉皆似驢唯身類人而  
復麤澀駭毛被體與畜無殊夫人見之心驚  
怖畏即便委棄投於廁中以福力故處空不  
墜時有羅刹婦名曰驢神見兒不汚念言福  
子遂於空中接取洗持將徃雪山乳哺畜養  
猶如己子等無有異及至長成教服仙藥與  
天童子日夜共遊復有大天亦來愛護此兒  
飲食甘果藥草身體轉異福德莊嚴大光照  
耀如是天衆同共稱美號爲佉盧虱吒漢言  
驢脣

聖法經六萬年翹於一脚日夜不下無有倦  
心天見大仙受如是苦時諸梵衆及帝釋天  
并餘上方欲色界等和合悉來禮拜供養乃  
至龍衆脩羅夜叉一切雲集所有仙聖修梵  
行人皆來到此驢脣聖人邊覩設供養已合  
掌問言大仙聖人欲求何等唯願爲我諸天  
說之若我能即當相與終不憚惜爾時驢脣  
聞是語已內心慶幸答諸天言必能稱我情  
所求者今當略說我念宿命過去劫時見虛  
空中有諸列宿日月五星晝夜運行而守常  
營度爲於天下而作照明我欲了知分別識解  
暗暝故不憚劬勞此賢劫初無如是事汝等  
一切諸天龍神憐我故來願說星辰日月法  
用猶如過去置立安施造作便宜善惡好醜  
如我所願具足說之一切天言大德仙人其

事甚深非我境界若爲憐愍一切衆生如過  
去時願速自說爾時法盧託仙告一切天  
言初置星宿昴爲先首衆星輪轉運行虛空  
告諸天衆說昴爲先首其事是不爾時日天  
而作是言此昴宿者常行虛空歷四天下恒  
作善事饒益我等知彼宿屬於火天是時衆  
中有一聖人名大威德復作是言彼昴宿者  
我妹之子其星有六形如似剃刀一日一夜  
歷四天下行三十時屬於火天姓韋耶尼屬  
彼宿者祭之用酪復次置畢爲第二宿屬於  
水天姓頗羅墮畢有五星形如立义一日一  
夜行三十五時屬畢宿者祭用鹿肉復次置  
觜爲第三宿屬於月天即是月天子姓毗黎  
伽耶尼星數有三形如鹿頭一日一夜行十  
五時屬觜宿者祭用根及果復次置參爲第

四宿屬於日天姓婆利失締其性大惡多於  
瞋忿止有一星如婦人麁一日一夜行三十  
五時屬參宿者祭用醍醐復次置井爲第五  
宿屬於日天姓婆私失締其於有兩星形如  
脚跡一日一夜行十五時屬井宿者以粳米  
華和蜜祭之復次置鬼爲第六宿屬歲星天  
歲星之子姓炮波那毗其性溫和樂修善法  
其有三星猶如諸佛胷滿相一日一夜行三  
十時屬鬼宿者亦以粳米華和蜜祭之復次  
置柳爲第七宿屬於蛇天即姓蛇氏止有一  
星如婦人麁一日一夜行十五時屬柳星者  
祭用乳糜

右此七宿當於東門

復次置南方第一之宿各曰七星屬於火天  
姓賓伽耶尼其有五星形如河岸一日一夜

行三十時屬此星者宜用粳米烏麻作粥祭之復次置張爲第二宿屬福德天姓瞿曇彌其星有二形如人之脚跡一日一夜行三十時屬張宿者將毗羅婆果以用祭之復次置

翼爲第三宿屬於林天姓憍陳如其有二星形如脚跡一日一夜行十五時屬翼星者用青黑豆煮熟祭之復次置軫爲第四宿屬沙毗黎帝天姓迦遮延蝎仙人子其星有五形如人手一日一夜行三十時屬軫星者作秀稗飯而以祭之復次置角爲第五宿屬喜樂

天姓質多羅延尼乾闥婆子止有一星如婦人麤一日一夜行十五時屬於角者以諸華飯而祭之復次置亢爲第六宿屬摩始羅天姓迦旃延尼其有一星如婦人麤一日一夜行十五時屬亢星者當取菉豆和酥蜜煮以

用祭之復次置氐爲第七宿屬於火天姓些者利多耶尼一日一夜行三十五時屬氐宿者取種種華作食祭之

右此七宿當於南門

復次置西方第一之宿其名曰房屬於慈天姓阿藍婆耶尼房有四星形如瓔珞一日一夜行三十時屬房宿者以酒肉祭之次復置心爲第二宿屬帝釋天姓羅延那心有三星形如大麥一日一夜行十五時屬心星者以粳米粥而用祭之次復置尾爲第三宿屬獵師天姓迦遮耶尼尾有七星形如蝎尾一日一夜行三十時屬尾星者以諸果根作食祭之次復置箕爲第四宿屬於水天姓持叉迦旃延尼箕有四星形如牛角一日一夜行三十時屬箕宿者取尼拘陀皮汁祭之次復置

斗爲第五宿屬於火天姓摸伽邏尼斗有四星如人拓地一日一夜行四十五時屬斗宿者以糲米華和蜜祭之次復置牛爲第六宿屬於梵天姓梵嵐摩牛有三星形如牛頭一日一夜行於六時屬牛宿者以醍醐而用祭之次復置女爲第七宿屬毗紐天姓帝利迦遮耶尼女有四星如大麥粒一日一夜行三十時屬女宿者以鳥肉祭之

右此七宿當於西門

次復置北方第一之宿名爲虛星屬帝釋天

卷五

娑婆天子姓憍陳如虛有四星其形如鳥一日一夜行三十時屬虛星者煮鳥豆汁而用糲之次復置危爲第二宿屬多羅擎天姓單那尼一日一夜行十五時屬此危宿者以糲米粥而用祭之次復置室爲第三宿屬蛇頭

天蝎天之子姓閻都迦尼拘室有二星形如脚跡一日一夜行三十時屬室宿者以肉血祭之次復置壁爲第四宿屬林天婆婁那子姓陀難闍壁有二星形如脚跡一日一夜行四十五時屬壁星者以肉祭之次復置奎爲第五宿屬富沙天姓阿風吒排尼奎有一星如婦人鱉一日一夜行三十時屬奎宿者以酪祭之次復置婁爲第六宿屬乾闥婆天姓阿舍婆婁有三星形如馬頭一日一夜行三十時屬婁星者以大麥飯并肉祭之次復置胃爲第七宿屬閻摩羅天姓跋伽毗胃有三星形如鼎足一日一夜行四十時屬胃宿者以糲米烏麻及以野棗而用祭之

右此七宿當於北門

此二十八宿有五宿行四十五時所謂畢參

氐斗壁等二十八宿言義廣多特難深趣故不具宣我今略說是宿時同聞諸天皆悉歡喜爾時盧氣吒仙人於大眾前合掌說言如是安置日月年時此置日月年時經向一卷以文多故不錄之一大

普四

七

小星宿何者名爲有六時耶答曰正月名暄暖時三月名種作時五月六月名求降雨時七月八月名物欲熟時九月十月名寒凍之時十一月十二月合此十二月大雪之時是十月分爲六時又大星宿其數有八所謂歲星熒惑星鎮星太白星辰星日星月星荷邏候星又小星宿有二十八所謂從前昴至胃諸星是也我作如是次第安置汝等皆得見聞於意云何爾時一切天人仙人阿脩羅龍及那羅等皆悉合掌咸作是言如今天仙於天人間最爲尊重乃至諸龍及阿脩羅無能

勝者智慧慈悲最爲第一於無量劫不忘憐愍一切衆生故獲福報一切天人之間無有如是智慧之者如是法用更無衆生能作是法皆悉隨喜安樂我等善哉大德安隱衆生是時依盧氣吒仙人復作是言此十二月一年始終如此方便大小星等利那時法皆已說竟又復安置四天大王於須彌四方面所各置一王是諸方所各饒衆生是時一切大衆皆稱善哉歡喜無量是時天龍夜叉阿脩羅等日夜供養復於後過無量世更有仙人名伽力出現於世後更別說置於星宿小大月法時節要略見如經說今且列二十八宿所屬不同各有靈衛故大集經云爾時佛告娑婆世界主大梵天王釋提桓因四天王言過去天仙云何布置諸宿曜辰攝護國土養育衆

生大梵天王等而白佛言過去天仙分布安  
置諸宿曜辰攝護國土養育衆生於四方中  
各有所主東方七宿一者角宿主於衆鳥二  
者亢宿主於出家求聖道者三者氐宿主水  
主衆生四者房宿主行車求利五者心宿主  
營田  
於女人六者尾宿主洲渚衆七者箕宿主於  
陶師南方七宿一者井宿主於金師二者鬼  
宿主於一切國王大臣三者柳宿主雪山龍  
四者星宿主巨富者五者張宿主於盜賊六  
者翼宿主於商人七者軫宿主須羅吒國西  
方七宿一者奎宿主行船人二者婁宿主於  
商人三者胃宿主於婆樓迦國四者昴宿主  
於水牛五者畢宿主一切衆生六者觜宿主  
鞭提訶國七者參宿主於刹利北方七宿一  
者斗宿主澆部沙國二者牛宿主於刹利及

安多鉢竭那國三者女宿主鷲伽摩伽陀國  
四者虛宿主那遮羅國五者危宿主著華冠  
六者室宿主乾陀羅國輸盧那國及諸龍蛇  
腹行之類七者壁宿主乾闥婆善樂者大德  
婆伽婆過去天仙如是布置四方諸宿攝護  
六者室宿主乾陀羅國輸盧那國及諸龍蛇

國土養育衆生爾時佛告梵王等言汝等諦  
聽我於世間天人仙中一切知見最爲殊勝  
亦使諸曜星辰攝護國土養育衆生汝等宣  
告令彼得知如我所分國土衆生各各隨分  
攝護養育分國多少各屬二十八宿問曰此  
之諸星形量大小云何答曰依增一阿含經  
營田  
云大星一由旬小星二百步樓炭經云大星  
圍七百里中星四百八十里小星二十里星  
是諸天宮宅瑜伽論云諸星宿中其星大者  
十八拘盧舍其中者十拘盧舍最小者四拘

盧舍述曰若依內經此諸星宿並是諸天宮宅內有天住依報所感福力光現若依俗書即云是石故宋時星落殞星如石或云非星是天河石落故俗書云天河共地河相連故河內時有石落如須彌象圖山經云天空有河名耶摩羅於虛空中行亦有大石小砂時有漏失即執爲星此非正經是俗所造妄述流行非是佛說唐貞觀十八年十月丙申後汾州并州文水縣兩界天大雷震空中雲內落一石下大如碓嘴脊高腹平其文水縣丞張孝靜共汾州官同奏當時西域摩伽陀菩提寺長年師來到西京內外博知勑問答云是龍食二龍相諍故落下如石准此而言何必天落即云是星夫遙天之物非凡度量令人難知莫若天也俗云天爲精氣日爲陽精

星爲萬物之精儒教所安也星有墜落乃爲石矣精若是石不可有光性又質重何所繫屬一星之徑大者百里一宿首尾相去數萬百里之物數萬相連闊狹縱斜常不盈縮又星與日月光色同耳但以大小差別不同然而日月又當石耶石既牢密烏兔焉容石在氣中豈能獨運日月辰宿若皆是氣氣體輕浮當與天合往來環轉不得背違其間遲疾理寧一等何故日月五星二十八宿各有度數移動不均寧當氣墮忽變爲石地既滓濁法應沉厚鑿土得泉乃浮水上積水之下復有何物江河百谷從何處生東流到海何爲不溢歸塘尾閭渠何所到沃焦之石何氣所然潮汐去還誰所節度天漢懸指那不散落水性就下何故上騰天地初開便有星宿九

州未盡列國未分翦壘區野若爲疆次封建以來誰所制割國有增減星無進退災祥禍福就中不差懸象之大列星之夥何爲分野止繫中國鼎爲旄頭匈奴之次西胡東夷彌題交趾獨棄之乎以此而求迄無了者豈得

以人事尋常抑必宇宙之外乎凡人所信惟耳與目自此之外咸致疑焉儒家說天自有數義或渾或蓋乍穹乍安計極所周苑維所屬若有親見不容不同若所測量寧足依據何故信凡人之臆說疑大聖之妙旨而欲必無恒沙世界微塵數劫乎而鄒衍亦有九州之談山中人不信有魚大如木海上人不信有木大如魚漢武帝不信弦膠魏人不信火布胡人見錦不信有蟲食樹吐絲所成吳人身在江南不信有千人氈帳及來河北不信

有二萬石船皆實驗也如世有祝師及諸幻術猶能履火蹈刀種爪移井倏忽之間千變萬化人力所爲尚能如此何況神通感應不可思量寶幢自由旬座化成淨土踊生妙塔乎

又王玄策西國行傳云王使顯慶四年至婆栗闍國王爲漢人設五女戲其五女傅弄三刀加至十刀又作繩技騰虛繩上著履而擲手弄三仗刀楯槍等種種關伎雜諸幻術截舌抽腸等不可具述

### 日宮部第三

依起世經云佛告諸比丘日天宮殿縱廣正等五十一由旬上下亦爾以二種物成其宮殿正方如宅遙看似圓何等爲二所謂金及玻瓈一面兩分皆是天金成清淨光明一面

一分是天玻璃成淨潔光明有五種風吹轉而行何等爲五一一名爲持二名爲住三名隨順轉四名波羅訶迦五名將行彼日天宮之

前別有無量諸天於前而行時各常受樂皆

名牢行依長阿含經云日天宮精地薄如華麗爲五風所持地

又日宮

殿中有闔浮檀金以爲妙輦輦高十六由旬八由旬莊嚴殊勝天子及眷屬在彼輦中以天五欲具足受樂日天子身壽五百歲子孫相承皆於彼治宮殿住持滿足一劫日天

身光出照於輦輦有光明復照宮殿光明相接出已照曜遍四大洲及諸世間日天身輦

及宮殿有一千光明五百光明傍行而照五百光明向下而照日天宮殿常行不息六月北行於一日中漸移北向六拘盧舍依雜寶藏經有五里未曾暫時離於日道六月南行亦一日中

漸移南向六拘盧舍不差日道日天宮殿六月行時月天宮殿十五日中亦行爾許

月宮部第四

如起世經云佛告比丘月天子宮殿縱廣正等四十九由旬四面垣牆七寶所成月天宮殿純以天銀天青琉璃而相間錯二分天銀清淨無垢光甚明曜餘之一分天青琉璃亦甚清淨表裏映徹光明遠照亦爲五風攝持而行如前五風月天宮依空而行亦有無量諸天宮殿引前而行恒受快樂於此月殿亦有大

輦青琉璃成舉高十六由旬廣八由旬月天子身與諸天女在此輦中以天種種五欲功德和合受樂隨意而行彼月天子身壽五百歲子孫相承皆於彼治然其宮殿住於一劫彼月天子身分光明照彼青輦其輦光明照

月宮殿宮殿光煥四大洲彼月天子有五百  
光向下而照有五百光傍行而照是故月天  
名千光明亦復名爲涼冷光明又何因緣月  
天宮殿漸漸現耶佛答此月三因緣一背相  
轉二青身諸天形服瓔珞一切悉青常半月  
營  
中隱覆其宮以隱覆諸月漸而現三從日天  
宮殿有六十光明一時流出障彼月輪以是  
因緣漸漸而現復何因緣是月宮殿圓淨滿  
足亦三因緣故令如是一爾時月天宮殿面  
相轉出二青色諸天一切皆青常半月中隱  
於十五日時形最圓滿光明熾盛譬如於多  
油中然火熾炬諸小燈明皆悉隱翳如是月  
宮十五日時能覆諸光三復次日宮殿六十  
光明一時流出障月輪者此月宮殿十五日  
時圓滿具足於一切處皆離翳障是時日光

天宮殿漸漸現耶佛答此月三因緣一背相  
轉二青身諸天形服瓔珞一切悉青常半月  
營  
日最近日宮由彼日光所覆翳故一切不現  
復何因緣名爲月耶此月宮殿於黑月分一  
日已去乃至月盡光明威德漸漸減少以此  
日已去乃至月盡光明威德漸漸減少以此

不能隱覆復何因緣月天宮殿於黑月分第  
十五日一切不現此月宮殿於黑月分第  
日最近日宮由彼日光所覆翳故一切不現  
復何因緣名爲月耶此月宮殿於黑月分一  
日已去乃至月盡光明威德漸漸減少以此

因緣名之爲月西方一月分爲黑白初月一日已去至於月盡名爲黑月十六日方通攝黑月合爲一月也復何因緣月宮

殿中有諸影現此大洲中有闇浮樹因此樹  
故名闇浮洲其樹高大影現月輪又瑜伽論  
云由大海中有魚鼈等影現月輪故有其內

有黑相現依西國傳云過去有內行菩薩行天帝試之索肉欲食捨身火中天帝愍之取其焦免置於月內今未來一切衆生舉目瞻之知是過去菩薩行慈之身

### 寒暑部第五

依起世經云復何因緣夏時生熱佛言日天

宮殿六月之間向北行時一日常行六拘盧

營

十四

舍未曾捨離日所行道但於其中有十因緣所有光明照觸彼十種山令其生熟復何因緣有諸寒冷日天官殿六月已後漸向南行復有十二因緣能生寒冷於須彌山佐提羅迦山二山之間有須彌海闊八萬四千由旬

周迴無量其中衆華悉皆徧滿香氣甚盛日

天光明照觸彼海此是第一寒冷因緣第二伊沙陀羅山第三遊乾陀山第四善現山第五馬耳頭山第六尼民陀羅山第七毗那耶迦山第八輪圍大山第九閻浮洲中所有諸河流行之處日天照觸故有寒冷第十瞿陀尼洲諸河倍多第十一弗婆提諸河倍多第十二欝單越諸河倍多此之十二諸河水流日天光明照觸寒冷前之生熱十二次前八山外第九是空中去地

萬由旬有夜叉宮殿第十是四大洲山合爲第十也又立世阿毗曇論

問言云何東寒云何春熱云何夏時寒熱是冬時水界最長未減盡時草木由濕未萎乾時地大濕滑火大向下水界上昇所以知然深水最暖淺水則寒節已至日行路照炙不久陽氣在內食消則速以是事故冬時則寒

云何春熱時水界長起減已盡草木乾萎地已燥坼水氣向下火氣上昇何以知然深水則冷淺水則熱冬時已過日行內路照炙則久身內火羸故春熱云何夏時冷熱是大地八月日中恒受照炙大雲降雨之所灑散地

卷四十五之一氣蒸鬱若風吹時蒸氣消已是時則寒若風

不起是時則熱是故夏中有時寒熱西方四時但立春夏冬故不立秋故立三時殿也又起世經云以何因緣有諸河水流於世間佛告比丘以有日故有熱有熱故有炙有炙故有蒸有蒸故有汗濕

以汗濕故一切山中汗流爲水以成諸河

照用部第六

依長阿含經云劫初長成時天地大闔有大  
黑風吹大海水開取日以照天下著須彌半  
安日道中行旋繞四天下照燭衆生又起世  
經云爾時世間便成黑暗是時忽然出生日  
月及諸星宿便有晝夜年歲時節爾時日天  
昇大官殿從東方出繞須彌山半腹而行於  
西方沒已還從東出爾時衆生復見日天從  
東方出各相告言諸仁者還是日天光明宮  
殿再從東出右繞須彌當於西沒第三見已  
亦相語言是天光明流行此也故有如是名  
字出又智度論云日月方圓五百由旬而今  
所見不過如扇處處經云佛語阿難人眼所  
見知四十二萬由旬人眼所見又立世阿毗

曇云云何爲夜云何爲晝因月故夜因日故  
晝欲界者自性黑暗日光隱故是則爲夜日

光顯故是則爲晝又起世經云佛告諸比丘  
若闔浮洲曰正中時弗婆提洲日則始沒瞿

耶尼洲日則初出齋單越洲正當半夜若瞿

耶尼洲日正中時此闔浮洲日則始沒齋單卷四

十六

越洲日正中時瞿耶尼洲日則始沒弗婆提

洲日則初出闔浮洲正當夜半若弗婆提洲

日正中時齋單越洲日則始沒闔浮洲中日  
則初出瞿耶尼洲正當半夜佛告比丘若闔

浮洲人所謂西方瞿耶尼人以爲東方瞿耶  
尼人所謂西方弗婆提人以爲東方齋單越  
人所謂西方弗婆提人以爲東方弗婆提人  
所謂西方闔浮洲人以爲東方南北二方亦  
復如是

虧盈部第七

依立世阿毗曇論云云何黑半云何白半由日黑半由日白半日恒逐月行一一日相近四萬八千八十由旬日日相離亦復如是若相近時日月圓被覆三由旬又一由旬三分

之一以是事故十五日月被覆則晝是日黑半圓滿日日離月亦四萬八千八十由旬月日日開三由旬又一由旬三分之一以是事故十五日月則開淨圓滿世間則名白半圓滿日月若最相離行是時月圓世間則說白半圓滿日月若共一處是名合行世間則說黑半圓滿若日隨月後行日光照月光月光麤故被照生影此月影還自翳月是故見月後分不圓以是事故漸漸掩覆至十五日覆月都盡隨後行時是名黑半若日在月前行

營

十七

日日開淨亦復如是至十五日具足圓滿在前行時是名白半又起世經問言復有何因緣於冬分時夜長晝短佛答比丘日天宮殿過六月已漸向南行每於一日移六拘盧舍無有差失當於是時日天宮殿在闍浮洲最極南垂地形狹小日過速疾以此因緣於冬分時晝短夜長復何因緣於春夏時晝長夜短佛答云日天宮殿過六月已漸向北行每一日中移六拘盧舍無有差失異於常道當於是時在闍浮洲處中而行地寬行久所以晝長以此因緣春夏晝長夜分短促智度論云如阿鞞跋致品中所說日月歲節者日名從旦至日初分中分後分夜亦有三分一日一夜有三十時春秋分時十五時屬晝十五時屬夜餘時增減若五月至晝十八時夜十

二時十一月至夜十八時盡十二時一月或

三十日半或三十日或二十九日半或二十  
七日半有四種月一者日月二者世間月三  
者月月四者星宿月日月者三十日半世間  
月者三十日月月者二十九日加六十二分

之三十星宿月者二十七日加六十分之二  
十一閏月者從日月世間月二事中出是名  
十三月或十三月名一歲是歲三百六十六  
日周而復始菩薩知日中分時前分已過後  
分未生中分無住處無相可取日分空空無  
所有到三十日時二十九日減云何和合成  
普同  
日月無故云何和合而爲歲以是故佛言世  
間法如幻如夢但是誑心法菩薩能知世間

日月歲和合能知破散無所有是名巧分別  
依經人多薄福日月交變或有赤日赤月種種微惡具如經說

### 昇雲部第八

依起世經云於世間中有四種雲一白二黑  
三赤四黃此四雲中若白色雲者多有地界  
若黑色雲者多有水界若赤色雲者多有火  
界若黃色雲者多有風界有雲從地上昇在  
虛空中一拘盧舍二三乃至七拘盧舍住或  
復有雲上虛空中一由旬乃至七由旬住或  
復有雲上虛空中百由旬乃至七百由旬住  
或復有雲從地上虛空千由旬乃至七千由  
旬住乃至劫盡長阿含經云劫初時有雲得  
至光音天依經雲亦多種或有五色慶雲而現或有赤雲黑雲種種而現不可盡說備如仁王經等具述也

### 震雷部第九

依起世經云佛告諸比丘或有外道來問汝  
云何因緣故虛空中有是聲耶汝應答云有

三因緣更相觸故雲聚空中有音聲出何者爲三一雲中風界與地界相觸著故便有聲出二於雲中風界與彼火界相觸著故即便聲出三於雲中風界與彼火界相觸著故即使聲出所以者何譬如樹枝相揩即有火出

此亦如是依經雷亦多種或有雷車鼓鬼神  
亦有罪惡多者霹靂而死見受報也

擊電部第十

依起世經云佛告諸比丘或有外道來問汝云何因緣故虛空中忽生電光汝應答云有

二因緣雲中出電何等爲二一東方有電名曰無厚南方有電名順流西方有電名墮光明北方有電名曰百生樹二者或有一時東方所出無厚大電與彼西方墮光明電相觸相對相磨相打以如是故從彼虛空雲聚之

中出生大明名曰電光或復南方順流大電與彼北方百生樹大電相觸相對相磨相打以如是故出電光譬如兩木風吹相著忽然火出還歸本處依經文先有雷無電或先有電後雷相擊火出霹靂人物降雨部第十一

依分別功德論云雨有三種一天雨二龍雨三一脩羅雨天雨細霧龍雨甚麤喜則和潤瞋則雷電阿脩羅爲共帝釋闢亦能降雨麤細不定依經雨亦多種或有無雲而雨或有龍而雨寔由衆生自兼所感具如經說也

失候部第十二

如起世經云佛告諸比丘有五因緣能障礙雨令占師不測增長迷惑記天必與而更不雨何者爲五一於虛空中云興雷作伽茶加茶瞿庫瞿庫等聲或出電光或有風吹冷氣

至如是種種皆是雨相諸占察人及天文師等悉知此時必當降雨爾時羅睺阿脩羅王從其宮出便以兩手撮彼雨雲擲置海中此是第一雨障因緣占者不知而竟不雨第二有時虛空起雲雲中亦作伽茶等聲亦出電光復有風吹冷氣來時占者見相尅天降雨爾時火界增上力生即於其時雨雲燒滅此名第二雨障因緣占者不知而遂不雨第三有時虛空中起雲雲中亦作伽茶等聲亦出電光復有風吹冷氣來時占者見已記天必雨以風界增上力生則吹雲擲置於彼迦陵伽磧中或置諸曠野中或置摩連那磧地此名第三雨障因緣占者不知而遂不雨第四有諸衆生爲放逸汚清淨行故天不降雨第五爲閻浮提人有不如法慳貪嫉妬邪見顛

倒故天則不與此二作法並同前說長阿含經亦同相似以此因緣相師迷惑占雨不定增一阿含經云日月有重翳使不得放光明何等爲四一者雲二者風塵三者煙四者阿須倫使覆日月不得放光明比丘亦有四結覆蔽人心不得開解

一者欲結二者瞋恚三者愚癡四者利養覆蔽人心不得開解四分律亦有四種喻同前一者姪慾二者飲酒三者捉錢寶四者邪命有此四法亦令佛法不明了故頌曰

火氣上昇煙管四雲氣靉靆雲管五神龍吐津霧  
飈埃坋人塵管六酒爲放逸門管七姪爲生死源  
金銀生患重管八邪命壞戒根

### 地動部第十三

依佛般泥洹經云阿難義手問佛欲知地動幾事佛語阿難有三因緣一爲地倚水上水

倚於風風倚於空大風起則水擾水擾則地動二爲得道沙門及神妙天欲現感應故以地動三爲佛力自我作佛前後已動三千日月萬三千天地無不感發夫人鬼神多得聞解又大方等大集念佛三昧經云一切大地六種震動一動遍動等遍動二震遍震等遍震三涌遍涌等遍涌四吼遍吼等遍吼五起遍起等遍起六覺遍覺等遍覺是六各三合十八相如是東涌西沒西涌東沒南涌北沒北涌南沒中涌邊沒邊涌中沒又立世阿毗曇論云佛告富樓那復有大神通威德諸天若欲震動大地即能令動若諸比丘有大神通及大威德觀地大相令小小相令大欲令地動亦能震動令地動有風名掣嵐婆此風常吹俱動不息風力上昇有風下吹亦有傍

動是風平等圓轉相持又智度論云地動有四種一火二龍三金翅鳥四天二十八宿等又諸羅漢諸天等亦能地動又增一阿舍經云佛在舍衛城告諸比丘有八因緣而地大動此地深六十八千由延爲水所持水依虛空或復是時虛空風動而水亦動水動地便大動是初動也若比丘得神足所欲自在觀地如掌能使地大動是二動也若復諸天有大神足有大威力能使地動是三動也若復菩薩在兜術天欲降神下生是時地動是四動也若菩薩自知在母胞中地爲大動是五動也若菩薩知滿十月當出母胎地爲大動是六動也若菩薩出家於道場坐降伏魔怨終成等覺地爲大動是七動也若未來於無餘涅槃界而般涅槃地爲大動是八動也

依經

地動亦有多種或有地動聖人出世有山動  
世界多世界亦有薄福衆生感得  
地動損破依正兩報具如經說

述曰自下略叙俗書天地初分陰陽形變之意謂有五重一元氣二太易三太初四太始五太素第一元氣者依河圖曰元氣無形匱匱蒙蒙僂者爲地伏者爲天禮統曰天地者元氣之所生萬物之祖皇甫士安帝王世紀曰元氣始萌謂之太初三五歷紀曰未有天地之時混沌如鷄子溟涬始可濛鴻滋分歲起攝提元氣啓肇帝系譜曰天地初起溟涬濛鴻即生天皇治萬八千歲以木德王列子曰夫有形者生於無形則天地安從生張虔注曰天地無所從生而自然生故有太易有太初有太始有太素變而爲一一變而爲七七變而爲九九者變之究也乃復變而爲一一者形變之始也

管四

十三

清輕者上爲天濁重者下爲地沖和氣者爲人故天地含精萬物化生也故易上繫曰易八卦定其吉凶也春秋感精符曰人主與日月同明四時合信故父天母地兄日姊月父天也兄日於東郊姊月於西郊春秋說題辭曰天之爲言填也居高理下爲人經群陽精也舍爲太一分爲殊名故立字一大爲天春秋繁露曰天有十端天爲一端地爲一端金爲一端木爲一端水爲一端火爲一端凡十端天亦喜怒之氣哀樂之心與人相副以類合之天人一也春喜氣故生秋怒氣故殺夏樂氣故養冬哀氣故藏四者天人同有之爾雅曰穹蒼蒼天也李巡曰古時人質仰視天形穹隆而高其色蒼蒼故曰穹

蒼春爲蒼天

李巡曰春萬物始生其色蒼蒼故曰蒼天也

夏爲昊

天

李巡曰夏萬物壯其天氣昊故曰昊天也

秋爲旻天

李巡曰秋萬物成熟皆有文章故曰旻天昊文也

冬爲上天

李巡曰冬陰氣在上萬物伏藏故曰上天

郭景純曰言時無在上臨下而已也

廣雅曰

天圓廣南比二億三萬三千五百里七十五

步東西短減四步周六億十萬七百里二十

五步從地至天一億一萬六千七百八十一

里半下度之厚與天高等孝經周天七衡六

間日周天有七衡而六間者相去萬九千八

百三十三里三分里之一合十一萬九千里

從內衡以至中衡從中衡以至外衡各五萬

九千五百里洛書甄曜度曰周天三百六十

五度四分度之一又度爲千九百三十二里

則天地相去十七萬八千五百里論衡曰日

一日行一度一度二千里日晝行千里舒疾

年一閏五年再閏也明陰不足陽有餘閏者  
陽之餘也徐整長曆日月徑千里周圍三千  
里下於天七千里尚書者靈曜之日光照三  
十萬六千里又地說書日月照四十五萬里  
列子曰孔子東遊見兩小兒辯鬪問其故嘗日  
二十一一  
小兒曰我以日始出去人近而日中時遠一  
小兒以爲日初出時遠而日中時近也一兒  
曰日初出大如車蓋及其中纔如槃蓋此不  
爲遠者小而近者大乎一小兒曰日初出滄  
滄涼涼及其中如探湯此不爲近者熱而遠  
者涼乎孔子不能決也兩小兒笑曰孰謂汝  
多智乎桓譚新論曰予小時聞間巷言孔子  
東遊見兩小兒辯鬪問其故一兒曰我以日  
始出時近日中時遠一兒以日初出遠日中  
時近長水校尉關子陽以爲天去人上遠而

四傍近以星宿昏時出東方其間甚疎相去  
丈餘夜半在上視之甚數相去唯一二尺日  
爲天陽火爲地陽地陽上昇天陽下降令置  
火於地從傍與上診其熱遠近不同乃差半  
焉日中在上當天陽之衡故熱於始出從太  
陽中來故涼西在桑榆大小雖同氣猶不如  
清朝也論衡曰夫日月不圓視若圓若圓者  
去人遠也夫日火精在地水火不圓在天火  
何故獨圓日月在天猶五星五星猶列星不  
圓光曜若圓何以明之春秋之時星賓宋都  
視之石也不圓是知日月五星亦不圓也論  
衡曰儒言日中有三足烏日者火也烏火中  
焦爛安得如立然烏日氣也詩推度災曰月  
日三日成魄八日成光蟾蜍體就決鼻始萌  
宋均注曰  
二十六春秋演孔圖曰蟾蜍月精也春秋  
決鼻兔也

元命包曰陰精爲月日行十三度常訛任而受受陽精也受明精在內故金水內景河圖始開曰黃泉之埃上爲青雲青泉之埃上爲赤雲白泉之埃上爲白雲玄泉之埃上爲玄雲淮南載河圖括地象曰崑崙山出五色雲氣易說

卦曰巽爲風撓萬物者莫疾於風風以動之河圖帝通記曰風者天地之使也爾雅曰四時和爲通正謂之景風李巡曰景風太平之風也南風謂之颯風東風謂之谷風北風謂之涼風西風謂之太風焚輪謂之頽郭朴注暴風從上下扶搖謂之焱從下上也風與之爲忳音屯忳貌回風爲飄日出而風爲暴風而雨土爲霾音埋陰而風爲曠易稽覽圖曰降陽爲風降陽之動不鳴條易說卦曰震爲雷動萬物者莫大於雷河圖帝通記曰雷天地之鼓也左傳照二日藏冰以時

則雷出震棄冰不用則雷不發而震春秋元命包曰陰陽合而爲雷師曠占曰春雷始起其音柏柏格其霹靂者所謂雌雷水氣也師曠占曰春分雨雷有音如雷非雷音在地中其所住者兵起其下無雷而雷名曰天狗行不出三年其國凶河圖始開圖曰激陽爲雷易稽覽圖曰陰陽和合其電耀耀也其光長春秋元命包曰陰陽激爲電史記天官書電者陰陽之動也穀梁傳曰隱公曰霆雷謂急雷也爾雅曰疾雷爲霆蜋郭朴注二十七雷者謂之霆蜋也說文曰震霹靂震動也釋名曰霹靂折也震戰也所擊輒破若攻戰也異苑曰沙門釋慧遠樓神廬獻嘗有遊龍翔其前遠公有奴以石擲中仍騰躍上昇有頃風颶燁公知是龍

之所興登山燒香會僧齊聲唱偈於是霹靂  
迴向投龍之石雲雨乃除異苑曰乞佛虜凶  
虐暴惡嘗中霹靂其挺引身出外題背四字  
表其凶匿國少時爲涉去所棄頌曰

日月長懸天曜恒暉晝金夜玉孰與夕期

出則晃朗 没已還晞 虧盈隱顯 晰溯旋璣  
星辰列位 福壽靈威 聖人建立 隨業增徽  
雲龍相會 升降分離 擊動雷電 寒暑應時

法苑珠林卷第四

音釋

駁	社角切	色	翹	渠堯切	法	良刃切	懾	徒案
鞚	不純也		舉	也				
鞬	符鼎	鼎	觜	津私	切			
砲	炮		觜	有名	切			
砲	草交		觜	許	切			
砲	炮		觜	場	丑	飢	房吻	切
砲	炮		觜	芳	切	忿	房吻	切
砲	炮		觜	與父刃禾石	切	房吻	切	厭黑
砲	炮		觜	下叢草也	拓	忿	房吻	切
砲	炮		觜	他各	拓	房吻	切	厭黑
砲	炮		觜	即委	拓	房吻	切	厭黑
砲	炮		觜	同音	拓	房吻	切	厭黑
砲	砲		觜	淳	拓	房吻	切	厭黑